

度

支

奏

議

度支奏議目錄

邊餉司三卷

題覆密雲借放邊餉銀兩疏

補還老庫銀兩以備緩急疏

覆湖廣催餉唐少卿起解錢糧疏

覆宣大巡按查覈錢糧舉劾糧官疏

民兵尚無確數經費未見畫一疏

覆寧夏巡撫蜀餉必須解秦疏

發過崇禎三年春夏二季邊餉數目疏

申明預徵款項昭示寰區疏

覆宣大總督撫夷鎮臣隨任錢糧疏

再議酌發雲鎮募造銀兩疏

覆薊遼張總督西協隱憂疏

題覆宣撫催解二運積逋疏

度支奏議卷之三

太子太保戶部尚書溫青畢自嚴視草

題覆密雲借放邊餉銀兩疏

題爲總理邊餉事邊餉司案呈崇禎二年九月二十八日奉本部送戶科抄出密雲糧儲郎中和于朝奏前事等因本年九月二十六日奉

聖旨本內借放銀兩該部查覆酌議具奏欽此欽遵抄出到部送司隨該本司呈堂例行接管糧儲主事孫止孝覆查去後轉奉本部送據該司呈

覆前事內稱查得前任和郎中節因京餉不繼  
饑軍嗷嗷任內借放督府軍需銀二萬八千一  
百六十九兩二錢二分七厘又借漕米給放新  
兵後將餉銀扣下應買米還倉銀一萬四千八  
百二十七兩四分九厘二毫五絲又借運官經  
紀交納掛欠米銀三千三百二十六兩五錢二  
分一厘五毫又借還官備閏銀一萬四千三百  
六十五兩六錢七分二厘九毫四絲九忽八微  
以上四項共銀六萬六百八十八兩四錢七分

六毫九絲九忽八微內一項還官銀一萬四千  
三百六十五兩零應備閏月之用職蒞任後始  
知借用該職那借本折兼支將閏四月糧銀給  
放通完訖此項無煩再補矣至於漕米借放新  
兵與運官交欠米銀例應買米還倉查本鎮倉  
糧儘足支放况值太倉匱乏之際一時未能撥  
補合無就准本色開銷似屬妥便惟是借督府  
軍需銀二萬八千一百六十九兩二錢二分一  
項見今徵調頻繁軍需最急節蒙軍門憲票催

償似難於竟已者合無獨將此項如數補還以  
備軍需緩急庶章奏早完錢糧亦藉以清楚等  
因緣繇到部奉批查照題覆送司相應具覆案  
呈到部爲照該鎮主客兵馬錢糧頭緒極分綜  
理宜密今據原任糧儲郎中和于朝三年報滿  
具述任內收支借貸之數臣等覆查本官所收  
受交盤銀兩并舊餉京運民屯節省借貸等銀  
共八十五萬九千一百四十七兩有奇而覈其  
出數并交盤下首接管之數亦自脗合不差惟

是借支督撫軍需並借放新兵漕米所扣之餉  
運官經紀交納掛欠米價及還官備閏之銀共  
六萬六百八十八兩四錢七分有奇俱那以應  
機軍尚屬未銷之局而以補還開銷兩端具疏  
奏

請奉有該部查覈酌議具奏之

旨臣卽劄行該鎮餉司孫止孝覆查去後隨據本官  
呈稱還官糧銀原以備閏今已將閏四月糧銀  
給放通完則此項固不必補矣至於漕米借放



新兵與運官交欠米銀既稱本鎮倉糧儘足矣  
放就於本色開銷亦情之便而理之順者也惟  
軍需銀兩原係督臣所儲以備緩急之需洵宜  
先行償補第當空匱之時責以遠年積逋咄嗟  
立辦譚何容易合俟外解少充多發當年年例  
聽該司樽節抵補庶軍儲不至於落空而錢糧  
亦得以清楚矣既經該司案呈前來相應覆

請恭候

命下臣部移文各該衙門遵奉施行

崇禎三年四月二十五日具

題本月二十八日奉

聖旨是欽此

補還老庫銀兩以備緩急疏

題爲補還老庫銀兩以備緩急事邊餉司案呈奉  
本部送據管理太倉銀庫主事易孔贊呈奉堂  
諭前事案查萬曆四十五年老庫實在銀八萬  
八千九百九十五兩至天啓三年五月二十九  
日盤少銀六千五百一十一兩除叅送刑部另  
行追還外實在銀八萬二千四百八十四兩天  
啓六年三月十一日本部前任尚書李宗延借  
與新庫發寧遠并發工部銀八萬兩本年十一

月一十二日本部前任尚書郭允厚題將尚書  
李宗延任內撙節無礙銀二萬七千一百八十  
兩五分五釐歸入老庫又收新庫并工部還借  
銀八萬兩及刑部追還盤少銀五千一百七十  
一錢七分共實在銀一十一萬四千七百七十  
一兩二錢七分五釐續於天啓七年正月二十  
七日尚書郭允厚題發工部銀六萬兩又於崇  
禎元年五月十九日署本部事左侍郎王家楨  
題借宣大兵餉銀二萬五千兩崇禎二年十二

匱訕莫措悉索老庫叩

聞請貸伏蒙

皇上軫念軍興慨賜允從俾得藉手供億以少逭於  
罪戾乃微臣私心實有惴惴隳越而未敢卽安  
者夫士庶之家非甚匱訕必有藏鏹以備不虞  
豈謂堂堂

天朝隨收隨放日計不足而無錙銖贏餘以備緩急  
者乎言念及此食不下咽蓋未嘗一刻忘抵補  
也又先是臣部報到外解奉有酌量緩急次第

給用毋得頓行支發致有不敷之

旨臣時時銘刻私衷茲幸仰荷

皇威京卿四出輸將頗轉京邊漸充除陸續支用外  
所有存剩銀兩先將臣任內借過老庫銀二萬  
九千七百七十餘兩照數補還此外仍有寄庫  
羨餘銀三千八百七十餘兩贓罰銀三千一十  
餘兩亦臣題

請動支之數相應一併補還已經行令管庫主事易  
孔贊會同巡視太倉科院及前任管庫借銀主

月二十七日因奴酋入犯該本部題爲開寧之  
血脉不通等事題奉

欽依那借老庫銀二萬九千七百七十一兩二錢二  
分五釐疏內原稱少有贏餘照數抵補又查寄  
庫羨餘銀三千八百七十一兩三錢六分刑部  
追解贓銀及還官賑濟存留各衙門捐俸銀共  
計三千一十二兩六錢三釐因措發布花不敷  
亦經題

請作正支銷在案茲奉行查擬合同覆到部送司覆

查無異合候酌議補遺案呈到部該臣等看得  
太倉爲積貯之府軍

國實托命焉

神廟初年老庫曾積至一千二百萬後因寧夏哮劉  
之亂及征倭平播等項陸續支用殆盡卽天啓  
六年尚書李宗延任內尚積存老庫銀十一萬  
四千七百七十餘兩未幾又復那用比臣受事  
之始僅存老庫銀二萬九千七百七十餘兩耳  
客歲十一月內偶緣虜倣道梗外解不至臣部



事馮世熙將前三項通共銀三萬六千六百五十五兩一錢八分八釐於四月二十四日眼同稱兌明白足色足數封貯老庫訖較之天啓六年老庫所貯尚欠八萬五千兩軍興方亟九塞呼庚臣誠未能遽爲補還及查署部事左侍郎王家楨任內題借銀二萬五千兩實係

皇上御極以來見在之額臣亦擬於目下補還而天啓七年所借六萬兩則姑以俟諸異日財力充裕之日可也繇是萬方珙球富有日盛將以此

爲不涸之始基卽一旦而耀我六師大張捷伐  
亦可恃以備緩急於萬一矣伏候

勅下臣部遵奉施行

崇禎三年四月二十六日具

題本月二十七日奉

聖旨這補還老庫銀兩知道了以後不得輕議借支

欽此

覆湖廣催餉唐少卿起解錢糧疏

題爲遵限督催起解恭報日期數目仰祈

聖鑒事專理新餉邊餉司案呈崇禎三年五月初一日奉本部送戶科抄出太常寺少卿管尚寶司司丞事唐暉題前事等因奉

聖旨這楚省催解與科疏額數懸殊着并奏內那借多開款項通加磨對詳核明確具奏該部知道欽此欽遵抄出到部送司除工部錢糧分數移咨工部及紀錄藩司俟完解日移咨吏部覆行外

其本部錢糧并那移等項相應具覆案呈到部  
該臣等查得湖廣一省先該臣部額開崇禎元  
二兩年京邊舊餉連借用藩工等項并三年應  
完五分之數共欠銀二十四萬四千三百八十  
兩零此係臣部詳列之數開送該差憑此守催  
者也該省藩司于原欠額內開除藩工借用京  
邊未補銀九萬八千二百三十三兩零又陸續  
補解黃州府屬七年分太倉等銀九千三百三  
十一兩又元年分該司報部多開三十九兩零

又奉撫臣檄借作援兵安家行糧用者一萬八  
百八十六兩零又本司二月初三日解部三萬  
五千三百五十一兩零疏稱該省所欠本部之  
數止九萬五百四十八兩零此係該司除淨之  
數回覆該差憑此報

命者也及查藩工借用一項先該臣部題爲藩工協  
濟未清全楚京邊久逋懇乞

勅該撫按會查明確勒限解抵以濟軍需事奉

聖旨京邊錢糧暫抵藩工協濟久未解還必有侵隱

情弊着湖廣撫按實成該布政司備查款項已解  
到者速行轉解未解到者列款奏明併應解南部  
錢糧扣留補解奉旨卽具回奏不得稽延推諉該  
衙門知道欽此查此項未曾抵補分毫且奉有責  
成該布政司列款奏明之

旨自應算入該省原欠之額今據該司冊開一南工  
部原派協濟銀共二十萬兩除坐留本部班匠  
銀七萬八千三百一十六兩五錢七分又南戶  
部折布絹銀三萬二千五十八兩二錢六分七

釐又南兵部工料銀三萬五千五百三十八兩  
五錢五分一釐九毫又多收廣東協濟銀一萬  
三十四兩三錢一分六釐一毫抵用外實借過  
臣部大倉昌平銀四萬九千二百五十二兩二  
錢九分五釐應令本省查有南工部班匠等銀  
不拘何項錢糧如數扣留該省徑解臣部抵太  
倉昌平項下此項銀兩頗多如南工部無銀扣  
還卽當於該省追補載入考成不容拖欠但查  
撤數與原額多銀五千二百兩或係總額少開

并令該布政司查明扣算一南直隸廬鳳太安  
池五府原派協濟銀三萬八千八百八十九兩  
七錢二分二釐除已完銀二萬一千四百二十  
二兩八錢外未完銀一萬七千四百六十六兩  
九錢二分二釐係借臣部漕糧改折銀抵用查  
各府之欠有總無撒應令該省及漕撫亟查廬  
鳳等五府各欠數目備細開明一面移文臣部  
一面轉檄各府仍令直隸催餉差官督催各府  
照數徑解臣部抵漕糧改折項下一北直隸順



永等八府協濟惠工銀一萬五千五百一十六兩八錢四分五釐除已完銀一萬一千三百九十九兩八分四釐外未完銀四千一百一十七兩七錢六分一釐係借臣部乾魚富戶漕糧改折銀抵用查各府之欠亦有總無撒應令該省及順保二撫亟查順永等八府各欠數目備細開明一面移文臣部一面仍檄各府以便如數徑解臣部抵乾魚富戶等銀項下一福建原派協濟銀五萬一千二十三兩三釐除已完銀四

萬二千六百一十三兩五錢外未完銀八千四百九兩五錢三釐係借臣部富戶漕折銀抵用應令福建催餉差官轉檄該布政司如數徑解臣部抵富戶漕折銀項下一江西原派協濟銀五萬四千四百二十五兩除已完銀四萬二百一十二兩五錢并借用工部料銀三千三百五十一兩五分四釐二毫應還上部外未完銀一萬八百六十一兩四錢四分五釐八毫係借臣部漕折銀抵用應令江西催餉差官轉檄該布

政司如數徑解臣部抵漕折銀項下河南原派  
協濟銀五萬二千六百四十四兩九錢一分三  
釐除已完銀五萬二千二百八十兩一錢九分  
九釐外未完銀三百六十四兩七錢一分四釐  
係借臣部漕折商稅銀抵用應令河南催餉差  
官轉檄該布政司如數徑解臣部抵漕折商稅  
項下一山東原派協濟銀三萬九千八百八十  
六兩五錢除已完銀三萬二千五百七十六兩  
五錢并借用工部料銀二百四十六兩四錢七

分八釐未完銀七千六十三兩五錢二分二釐  
係借臣部商稅昌平丁糧銀折用應令山東催  
餉差官轉檄該布政司如數徑解臣部抵商稅  
昌平丁糧銀項下山西原派協濟銀一萬九千  
五十七兩七錢七分除已完銀一萬八千三百  
七十兩七錢三分五釐外未完銀六百八十七  
兩三分五釐係借臣部昌平銀抵用應令山西  
催餉差官轉檄該布政司如數徑解臣部抵昌  
平項下其該楚省徑解者該差依限催完其該

各省直徑解者候

命下日臣部行文勒解此亦款項之不容混淆而責任之無可推諉者也又查該省元年分進

表冊報太倉漕折商稅等銀計八項共該銀六萬七千五百七十九兩三錢八分八釐七絲一忽除已完五萬四千九百四十二兩二分六釐五毫外淨欠額銀一萬二千六百三十七兩三錢六分一釐五毫七絲臣部按完程欠詎敢多開而該司謂臣部多開元年分三十九兩零查商稅

據臣部會計冊內開每年帶閏銀該一千  
四百八十八兩一錢二釐三毫據該省進

表冊開每年該徵銀一千五百兩今查元年商稅銀  
楊廷采解銀八百兩胡應龍解銀二百兩徐太  
蔭批文又開解銀五百四十兩較之往例似有  
四十兩之多復查天啓七年該省商稅止解銀  
一千四百六十兩應以元年四十兩扣補適合  
一千五百兩之數且商稅流動卽進

表冊已浮於會計冊豈該司欲以抵正項耶則臣部

先開欠額固未有多也至若該司奉該撫檄借  
發援兵安家行糧銀一萬八百八十六兩零據  
該差疏稱容撫按會疏或請別項補解請自

聖裁夫人援係該撫義舉則補解似分誼當然又無  
容臣贅者也又該差報解過數目共銀八萬有  
奇覆查到部者止前開本年二月內起解三萬  
五千三百五十一兩零尚有貴州府屬七年分  
太倉等銀九千三百三十一兩零又三月二十

六日劉懌領解銀四萬三千兩已起解在途尚

未到部臣不敢以未到之銀作完數該科止  
臣部報到之數以入

告開銀三萬五千三百五十一兩零而該差總以起  
解之數爲完數開報銀八萬七千六百八十二  
兩零以致額數與科疏懸殊相應責令該差查  
照原數星速催完以濟急用者也至於遼事務  
難之初原派楚餉八十餘萬蜀餉一十二萬以  
佐遼餉繼而黔蜀多故卽割留黔蜀用矣今黔  
蜀事寧奴氛危迫業該臣部於本年正月內遵



奉

明旨會集

延議將楚餉之八十萬蜀餉之十二萬今年且先  
割一半歸臣部以資禦虜之需等因奉

聖旨俱依議便行該督撫按衙門一體遵行欽此欽  
遵此時因差催在先題割在後止行該督撫按  
遵照徵解未經算入差催數內迄今金未解有  
分文祇恐地方藉口黔蜀支吾推諉則如許額  
餉益滋躲閃而臣部之望眼欲穿者又屬西江

之水矣合無將楚餉之責責令催餉太常寺卿唐暉就便兼催蜀餉之半責成該撫按上緊催督俱要刻期完解接濟遼餉之缺乏此尤今日急着而不容少緩者也伏乞

天語統賜申飭作速完解庶新舊之額餉皎若列眉而那借之京邊不至盡餅矣既經該差具題及該司查明前來相應覆

講恭候

命下移文各該衙門遵奉施行

崇禎三年五月初九日具

題本月十一日奉

聖旨未明款數還着布政司速查以便催解銀未到  
部起解疏不必先覆割還楚餉唐暉帶催該部俱  
卽飭行欽此

覆宣大巡按查覈錢糧舉劾糧官疏

題爲遵

旨查覈撫賞召買錢糧舉劾經管糧官以清宿弊以  
裕

國計事邊餉司案呈崇禎三年四月二十五日奉  
本部送戶科抄出巡按直隸監察御史胡良機  
題前事等因本年四月二十三日奉

聖旨該部知道欽此欽遵抄出到部送司案查先該  
本部題覆巡按御史胡良機疏爲諸臣各煥新

猷地方猶留夙弊謹就巡宣之聞見勒令  
成規以杜奸欺以裨軍

國事等因本年二月初二日奉

聖旨餉司錢糧聽巡按清查及撫賞召買一革沿弊  
已有旨了着嚴飭行欽此欽遵咨行在案今該御  
史逐項查核前來相應具覆案呈到部爲照撫  
賞一節欵貢攸關而召買本色又士馬之命繫  
係焉此封疆何等大事乃各邊鎮視爲奇貨金  
候缺散秩營情攫取領銀入手恣意開銷甚且

有侵刻肥囊曠遲時日者邊政之壞所從來矣  
先該巡按御史胡良機題革前項積弊臣部覆  
奉

欽依召買委官宜擇見任廉幹官員開具職名報院  
差委諸凡候缺名目不許夤緣復用其召買錢  
糧例應現銀交易凡領銀上糧完欠數目俱造  
入巡方考察冊內依期追比分別勸懲等因通  
行申飭去後今據御史胡良機備查撫賞召買  
完欠數目錢糧并舉劾經管糧官前來及議召

買之需餉庫當秋准發各弁卽於餉庫支領  
必復轉廳庫又議來春舉劾則必并崇禎三年  
四年並奏將勸懲昭揭於目前而金錢不耗於  
宛轉於以清積習而裕邊籌莫善於此矣臣等  
謹按原疏而覆之宣府見任同知馮一鴻管理  
撫賞召買錢糧天啓四五六七年分俱係接管  
崇禎元年分係經催二項未完殊多而撫賞  
甚前官所貽九千七百二十八兩一錢三分零  
併自理之召買四百八十八兩二錢二分零則

萬餘金矣時已數年未聞申請追究一何稽延也應如按臣議勒令住俸戴罪督催俟完日開復仍提曹宗洪等究擬以示儆者也上西路見任同知蔣勸善管理撫賞召買錢糧撫賞項下萬曆三十年起至崇禎二年止尚欠未完牛羊雜色校布白麩布口袋等銀共一千三百二十四兩五錢七分應該勸善接管催追召買項下天啓七年分調任同知馮一鴻原議召買銀九千一百五十兩於崇禎元二兩年二等月內從募



億庫領出分給委官人等收買米豆草束除買完外未買完銀一千一百六十八兩五錢九分五釐六毫一忽今該勸善接管催追崇禎元年分去任同知塗應選原議召買銀八千六百兩於崇禎二年二等月內從萬億庫領出分給委官人等收買米豆草束除買完外未買完銀二百四十兩九錢七分今該勸善接管催追通計未完數逾二千伏查俱係前官貽下應如按臣議所當勒限催併完納者也下西路見任通判

胡應聘管理召買錢糧崇禎元年分去任通判  
趙完璧原議召買銀二千四百五十八兩六錢  
六分六釐五毫領出分給委官人等收買米豆  
草束除買完外未買完銀八百四十一兩六錢  
四分七釐五毫今該應聘接管催追崇禎二年  
分去任通判趙完璧原議召買銀三千八百兩  
領出分給委官人等收買米豆草束除買完外  
未買完銀二千三百二十九兩六錢二分五釐  
今該應聘接管催追兩年未完尚該三千一百

餘兩查本官蒞任雖淺而責任司存應如按  
議所當勒限催併完納者也南路見任通判李  
猶龍管理召買錢糧天啓六年分去任惟官唐  
光耀原議召買銀二百四十兩領出分給委官  
人等收買草束除買完外未買完銀四十五兩  
六錢今該猶龍接管催追天啓七年分去任通  
判錢世澤原議召買銀三百兩領出分給委官  
人等收買草束除買完外未買完銀一百二十  
兩今該猶龍接管催追崇禎元年分去任通判

白麒原議召買銀一千六百五十兩領出分給  
委官人等召買草束除買完外未買完銀九百  
二十六兩三錢七分今該猶龍接管催追三年  
通計欠銀一千九十餘兩應如按臣議所當責  
令勒限催併完納者也東路陞任通判安國棟  
管理召買錢糧今陞兵部主事天啓六年被論  
通判馮顯祖原議召買銀一萬一百八十六兩  
一分零領出分給委官人等收買米豆草束除  
買完外追還庫銀一百四十九兩未買完銀一

百四十二兩九錢三分

今該縣知縣

啓七年被論延慶州知州邢其諫原議召買銀  
一萬六千三百九十七兩七錢三分零領出  
給委官人等收買米豆草束除買完外在庫米  
發銀二千二百三十兩六錢四分零追完貯庫  
銀三百九十兩二錢八分未買完銀四百四十  
兩三錢九釐今該國棟接管催追崇禎元年  
病去通判陳本鎔原議召買銀九千二十一兩  
八錢八分領出分給委官人等收買米豆草束

除已買完外追還貯庫銀三百七十兩未買完  
銀五百三十五兩三錢零今該國棟接管催辦  
崇禎二年分見任保安州知州董邦昌署管路  
事原議召買銀八千二百三十九兩六錢九分  
零領出分給委官人等收買米豆草束除買完  
外在庫未發銀一千三百六十七兩八錢六分  
零追完貯庫銀二十九兩四錢六分零未買完  
銀三百二十二兩今該國棟接管催追查本官  
接管召買履任月餘完多欠少茲已陞遷湘鄉

免議然所欠一千四百三十八兩八錢應如  
臣議所當責令新官追比者也分理東路糧廳  
延慶州知州邢其諫經管召買錢糧今被劾  
未離任崇禎元年分原議召買銀一萬一千七  
百八十九兩二錢六分零領出分給委官人等  
收買米豆草束例該其諫催追除買完外未買  
完銀八十一兩六錢七分零崇禎二年分原議  
召買銀五千五百兩領出分給委官人等收買  
米豆草束例該其諫催追除買完外在庫未發

銀一千九十九兩八錢二分未買完銀一千二百九十兩又本官經手兩年計欠召買銀一千三百兩貯庫者未買拖欠者任逋已經糾劾應如按臣議所當速補新官勒令追完者也上北路見任同知余文龍管理召買錢糧崇禎元年分原議召買銀八千七百一十二兩領出分給所屬等官收買米豆草束俱已買完驗收明白並無拖欠所有實收通報訖查本官業已通完應如按臣議所當紀錄以獎幹吏者也下北路



見任通判張景星管理召買錢糧崇禎元年原  
議召買銀八千五百兩領出分給所屬等官收  
買米豆草束俱已買完驗收明白並無拖欠取  
有實收通報訖崇禎二年原議召買銀二千兩  
領出分給所屬等官收買米豆草束例該景星  
催追又本官經管召買元年雖完而二年二千  
兩尚在收買應如按臣議所當責令嚴追完納  
者也中路見任通判張國綺管理召買錢糧崇  
禎元年原議召買銀七千九百五十八兩九錢

領出分給所屬等官收買米豆草束俱已買完  
驗收明白取有實收崇禎二年原議石買銀二  
千兩領出分給所屬等官收買米豆草束例該  
國綺催追查本官元年雖已買完二年二千兩  
尚在收買應如按臣議所當責令嚴追完納者  
也大同鎮大同府署印清軍同知麻必升署管  
撫賞天啓六年分去任知府劉士璉動給大同  
右衛候缺經歷吳舜牧領買段疋等銀二千一  
十七兩二錢五分今該必升署管催追除已買

完銀外未費完銀一千四百一十六兩

順二年去任知府劉士璉動給大同前衛備

經歷宋大經領買段疋銀二千四百兩見追

完去任知府劉士璉被劾無容再議必升係署

印官應如按臣議所當勒令追完仍提吳舜牧

宋大經究擬以完徵者也東路延祐間知通大

本管理撫官

韓初命動給問斬見監千戶袁秉直領買宴賞

銀二千五百二十二兩三錢四十三年去任同

知周之藩動給袁乘直領買市貨銀二千二百五兩二項共銀四千五百四十七兩三錢今該大本接管催追除買完外未完銀二千七百七十兩四錢九分四十二年去任同知韓初命動給問斬監故千戶潘仰極領買宴賞銀二千五百一十七兩八錢又四十四年去任同知陳藩動給潘仰極領買市貨銀五百兩二項共三千一十七兩八錢今大本接管催追除買完外未完銀九百一兩三錢一分四十二年去任同

知韓初命動給問斬監故千戶王從義領買  
賞銀四百兩又四十四年去任同知楊坦動給  
王從義領買市賞銀五百兩二項共九百兩全  
該大本接管催追除買完外未買完銀五十兩  
五錢四十三年去任同知周之藩動給問成  
監千戶盛應科領買市貨銀一千一十二兩又  
四十四年去任同知楊坦動給盛應科領買市  
貨銀一千一十兩二項共銀二千二十二兩除  
已買完外未買完銀一百七兩二錢三分今該

大本接管催追四十三年去任同知周之藩動  
給問斬見監指揮董養正領買市貨銀一千二  
十一兩又本年去任同知楊坦動給董養正領  
買市貨銀一千兩二項共銀二千二十一兩除  
買完外未買完銀五百六十五兩六錢二分零  
今該大本接管催追四十三年去任同知周之  
藩動給問斬見監千戶方報忠領買市貨銀一  
千五百三十四兩又四十四年去任同知楊坦  
動給方報忠領買市貨銀一千兩二項共銀二

千五百二十四兩今該本接管係據陳寶  
外未買完銀四百一十三兩六錢三分崇禎  
年原議召買銀六千五百五十兩領出分給所  
屬等官收買米豆草束除買完米豆草外未買  
完米二千一百一十八石二斗一升零豆六百  
七十六石七斗四升零草五萬三千五百五十  
三束今該大本接管催追去任同知韓初命楊  
坦等濫委貪弁盡成逝波侵欺各犯業經正罪  
而所欠四千八百八兩大本接管烏容推諉應

如按臣議所當責令戴罪督催完結者也中路  
帶管北路丁憂通判高鯨帶管召買崇禎二年  
去任通判馬攀龍原議召買銀九千兩領出分  
給委官人等收買米豆草束除買完銀外未買  
完銀六十七兩六錢六分零今該高鯨帶管催  
追中路通判高鯨領買糧草完多欠少被劾者  
不能入羈而代庖者又以憂去應如按臣議所  
當勒令見今署事長史劉士鰲嚴追完納者也  
西路見任同知王履亨帶管召買錢糧崇禎二年



分原議召買銀九千四百兩領出分給  
等官收買米豆草束例該履亨催追查本官經  
管三年召買例當歲終報完應如按臣議俟下  
次查其完欠以定勤惰者也南路見任通判常  
三錫經管召買錢糧崇禎三年原議召買銀四  
千四百六十兩領出分給所屬等官收買米豆  
草束除買完米豆草外未買完米三百四十四  
石八斗五升豆一百四十一石八斗八升零草  
一萬五千九百九十二束例該三錫催追查本

官經管召買完多欠少應如按臣議歲終報竣  
聽下次舉劾者也北路丁憂通判高鯨經管召  
買錢糧崇禎二年原議召買銀九千兩領出分  
給所屬等官收買米豆草束俱已買完並無拖  
欠有倉場實收通報訖查本官經管召買糧草  
通完雖以艱去應如按臣議所當紀錄俟其補  
官之日優叙者也以上各官完欠有自具之分  
數而功罪有不易之勸懲相應覆

請恭候

命下臣部移文吏部將余文龍高鯨紀錄馮一鶴

大本戴罪住俸督催蔣勸善胡應聘李猶龍安  
國棟邢其諫張景星張國綺麻必升劉士鰲  
履亨常三錫仍咨該撫并咨都察院轉行巡按  
御史勒限催追應住俸者住俸應勒限者勒限  
務期盡數通完不得仍前逋欠至於召買卽在  
本年當秋發價於餉庫支領不得轉發廳庫仍  
令經管撫賞召買各路糧官查照見今事例置  
立循環文簿二篇備開領銀員役月日并支銷

完欠數目各立前件逐項註明一送該省巡按御史一送臣部互相稽覈查有前弊聽巡按御史立行叅處庶積弊清而

國計裕其有裨於邊務非淺尠也

崇禎三年五月二十一日具

題本月二十四日奉

聖旨是欽此

民兵尚無確數經費未見畫一疏

題爲民兵尚無確數經費未見畫一懇乞

勅令備悉查奏酌議充餉以終詰問之局事邊餉司  
案查崇禎二年十月內該本部題前事內開保  
河廣大四府每年額設民兵工食銀共三萬九  
千六百二十八兩八錢遇閏加銀三千三百二  
十兩四錢零此歲入之數也前該薊撫報稱每  
年除給貼防民兵工食及三屯山海各鎮守小  
賞外約存剩銀一萬五千兩改入太倉抵充年

保衛俱解該鎮充餉此歲出之數也及查  
年拖欠數多所當一併追完解發是則保定撫  
臣所當祗奉

功令督率催解者也奉

聖旨這保河民兵銀現支款項尚未明悉且旣云貼  
防曾否作見兵額數着王元雅再查奏來額編載  
入考成分解完欠解經傳依議行該衙門知道欽  
此欽遵隨該本部移咨順保二撫院去後突因  
虜騎入境貼防等項未及查報保河廣大四戶

解部解邊銀兩迄今未見一至胡應龍傳案見  
到部該臣等看得民兵銀兩臣部屢經具題奉  
有

俞旨移咨順保二撫節存在案除天啓七年以前拖  
欠銀兩已奉

恩詔蠲免姑置無論及查崇禎元年保河二府尚欠  
銀一萬二千八十八兩四錢五分零崇禎二年  
三年惟廣平府額銀一百五十四兩通完外其  
保河大名三府每年額該銀三萬九千四百七

十四兩八錢三年仍加閏月銀三千三百二十四錢七毫通未節年欠銀九萬四千三百五十八兩四錢五分零臣部屢經檄催未至續因軍餉不敷行保定府兌給昌平年例銀八千兩卽抵解京之數實欠民兵銀八萬六千三百五十八兩四錢五分零向緣順天撫臣更代不常未遑覈奏兼之保定撫臣移鎮涿鹿選徒蒐乘日無暇晷臣部亦未敢驟望以督催今幸仰仗

皇上威靈師武臣力犬豕喙息疆宇廓清遵陽一帶



政光復整頓之時如現支款項及貼防軍丁尤  
當班班牘列明白入

告者重以版築繕修之役所費不貲實煩措辦乃保  
河等處額設常賦正可藉以供正項之用顧可  
聽郡邑之浸那稽逋而漫不起解乎三輔密邇  
輦轂原無加派新餉念此從來舊額之常賦詎可以  
逋欠明德意乎該撫急公念切與臣同心固無  
待臣詞之畢也爲此具題伏乞

天語再一叮嚀

勅各遵照前

旨應覈奏者列款覆奏恭候

定奪應起解者刻期起解其解部者卽抵年例其解  
薊者候於臣部修邊工犒項下支銷仍載入考  
成庶耗蠹一清而拖欠舉完於以裕軍餉備戎  
作未必無少補而關臣詰問之局亦得受其實  
益矣臣等可任悚息待

命之至

崇禎三年六月初一日具

題本月初四日奉

聖旨保河等府民兵銀係舊額常賦如何一任積逋  
着該撫照數覈催其解薊一項尤屬急要須刻期  
措撥方濟邊需着該撫立限與各欠地方取起解  
及收到數月月日不時具奏以便稽查該部卽嚴  
飭行欽此

覆寧夏巡撫蜀餉必須解秦疏

題爲秦餉必不可缺蜀餉必須解秦敬陳改留始末并議經久之法以復

舊制以固邊疆事邊餉司案呈崇禎三年六月二十  
六日奉本部送戶科抄出巡撫寧夏地方釐理  
軍務都察院右副都御史耿好仁題前事內稱  
先准戶部咨將四川額設解京錢糧十萬四百  
三十五兩二錢每年改解陝西延寧甘固四鎮  
軍餉內分延綏鎮四萬兩寧夏鎮一萬二千五

百兩并肅鎮二萬兩固原鎮二萬七千九百兩  
十五兩二錢在蜀省運解之勞在秦得接濟之  
易此該省正供非額外協濟者也浸假而蜀省  
視爲協濟拖欠累至數十萬請自崇禎二年爲  
始將蜀京邊銀項仍遵

舊制改解秦中四鎮以補秦餉原額作爲太倉之數  
不得分毫短少有拖欠者許令秦撫奏明等因  
題奉

欽依備咨到臣臣卽移咨四川撫院及行該省布政

司催解崇禎二年并三年額銀去後今准蜀撫  
張諭回咨稱蜀自奢變議留蜀餉前奉

旨撥黔已具疏控

請茲奉

旨歸秦又經疏討爲蜀剿餉俟事定起解統候部覆  
何如西事結局方可議解然二年者已解軍前  
給發無餘三年者十月開徵後行令藩司收貯  
候

旨發解等因到臣臣引領數月而止回以一紙空文

是臣所望於蜀者二三年二萬五千之餉遂成  
畫餅而戶部業已照數扣除不敢復望給發矣  
伏乞

勅下戶部再加查議先將崇禎二三兩年原派四川  
未解寧鎮餉銀二萬五千兩權於部庫急爲措  
發嗣後年分四川之應解京者照舊解京戶部  
之應發秦者照舊發秦或於秦藩應解京銀兩  
照數兌發寧鎮卽以蜀之應解寧者補之等因  
崇禎三年六月二十四日奉

事有蜀省解秦銀兩原屬正額錢糧何得屢逋不納  
該部還須設法綜稽豈可任其久玩這奏內事理  
卽與酌議具奏欽此欽遵抄出到部送司案呈到  
部該臣等看得巴蜀正供原有額設京邊錢糧  
十萬四百兩零後以秦蜀相連捷於轉運故以  
該省京邊移爲秦中年例延綏分四萬兩寧夏  
分一萬二千五百兩甘肅分二萬兩固原分二  
萬七千九百三十五兩二錢一以省轉運一以  
速接濟非但利於秦抑亦便於蜀也孰意改解



之後該省便同畫餅而年逋一年自萬曆四  
二年起至天啓元年止共積欠至四十萬餘  
詎知所欠者非四鎮之兵餉實臣部之京邊  
迨天啓二三四五年會蜀有警而議留五年  
又題改解秦而未果六七年又議改充黔  
餉崇禎元年仍經題

准黔餉俱未解至總之蜀省太倉十數年之  
供而秦與黔曾未得蜀一日之用也崇禎  
二年十月內該臣具題請自崇禎二年將  
蜀京邊銀項仍遵

舊制改解秦中以補秦餉作爲太倉京邊年例之數  
永爲定規業奉

俞旨遵行臣以蜀縱托於時艱亦必束於

明旨矣今據寧撫耿好仁疏稱蜀撫回咨俟西事結  
局方可議解二年已解軍前給發無餘寧鎮如  
此則延葺固三鎮可知矣藉令曩時不輸秦而  
輸部果能積欠如是否也夫臣固知蜀多事也  
而秦亦非無事之國也太倉尤非無事之日也  
以秦塞大荒之後豈能枵腹以禦驕虜加以太

倉如洗之餘豈能代蜀以償正供今各省城  
以輸太倉而蜀獨若無事然者有請輒以西事  
借口亦大不平矣但蜀徂於相仍而忘其

舊制是必還之額設歸之京庫而後可以破其因循  
除從前迭欠該省既有軍興姑不追論外今當  
仍照前疏斷自崇禎二年爲始先將該年額餉  
刻限崇禎三年十月內照數解至延寧并固各  
鎮不許短少分毫取具各鎮實收仍

勅蜀省撫臣自行具

奏以專責成其三年額餉查照舊例起解起京務  
以年終到部爲限四年以後照例春秋兩解巡  
視太倉科道每歲稽其出入照例查叅臣部盡  
法題覆其應發秦餉臣部另行撥派庶蜀之催  
科完欠得按籍而稽秦之緩急有無亦得持籌  
而計矣若該撫所云或將秦藩應解京銀徑自  
發寧卽以寧所應得於蜀之數令之解京相抵  
此猶移蜀餉秦之見竊恐正額錢糧纔一轉移  
便成拖欠後日之秦未必非今日之蜀且秦之

京邊已久克民運矣其應解者止加派之新餉  
近奉

明綸新舊兩餉不許那移欽遵在案此又不便輕爲  
擬議者也既經具題前來相應覆

請恭候

命下臣部移文各該督撫并劄各該餉司及各都察  
院轉行各巡按御史永爲遵奉施行

崇禎三年七月初六日具

題本月初九日奉

聖旨移蜀餉秦最爲便計如何積玩多違該鎮何賴  
前卽藉口軍興亦須查核其二年分額餉歸秦兩  
省撫臣各具解收數目日期回奏三年以後仍依  
限解京如再虧延卽行叅處秦寧不必那移貼黃  
內三字訛元殊欠詳慎改正行欽此

餐過崇禎三年春夏二季邊餉數目疏

題爲恭報發過崇禎三年春夏二季邊餉以明職  
掌以慰

霄旰車邊餉司案呈到部該臣等看得九邊額餉關  
切封疆

皇上之所蒿目而憂臣部之所殫力而營者皆是物  
也客冬虜警猝至征調紛馳

都門戒嚴經費不貲一時九邊之餉未免那緩就  
急稍有稽延其間嗣是虜氛漸遠道路漸通而

外解亦漸至矣臣不敢徂九邊之額徵而忽  
曉之急又不敢因

畿輔之孔棘而疎邊徼之圖治內不容忘外顧後  
復爾瞻前迨今夏月已邁三年之歲事斯過半  
矣在京卿業乘傳以督催在臣部亦及時而所  
發卽將士未暢圓滿之懷而大馬已竭拮据之  
力謹以本年發過各邊鎮春夏二季年例錢糧  
爲我

皇上陳之薊州鎮年例額銀三十一萬五百五十三



兩六錢四分二釐七毫伍忽春夏二季該銀一  
十五萬五千二百七十六兩八錢二分一釐三  
毫五絲二忽五微二月十四日發銀二萬兩三  
月初六日發銀一萬兩十六日發銀二萬兩四  
月初四日發銀一萬兩初十日發銀一萬四千  
六百兩三十日發銀二萬五千兩六月初一日  
發銀二萬五千兩十九日發銀一萬兩七月初  
一日發銀二萬五千兩共發過一十五萬九千  
六百兩密雲鎮年例額銀二十七萬八千三十

四兩九錢伍分一釐七毫春夏二季該銀一十

三萬九千一十七兩四錢七分五釐八毫五絲

二月十四日發銀一萬兩三月初六日發銀一

萬兩三月初八日發銀二萬五千兩四月初十

日發銀二萬三千二百兩五月初十日發銀二

萬三千兩六月十一日發銀二萬三千二百兩

二十九日發銀三萬兩共發過一十四萬四千

四百兩永平鎮年例額銀二十四萬一千九百

六十七兩八錢五分春夏二季該銀一十二萬

九百八十三兩九錢二分五釐四月初十日發  
銀一萬兩五月初四日發銀一萬五千兩十八  
日發銀二萬兩七月初六日發銀一萬五千兩  
共發過六萬兩昌平鎮年例額銀一十二萬四  
千五百一十六兩八錢二分二釐七毫春夏二  
季該銀六萬二千二百五十八兩四錢一分一  
釐三毫五絲二月十四日發銀一萬兩三月初  
九日發銀二千兩二十五日發銀一萬兩先給  
保定民兵銀八千兩又先給贓罰銀二千三百

四十一兩二錢一分四月初十日發銀一萬兩  
五月十六日發銀一萬一千兩六月十五日發  
銀一萬兩共發過六萬三千三百四十一兩二  
錢一分易州鎮年例額銀十萬三千四百四十  
二兩七錢六分春夏二季該銀五萬一千七百  
二十一兩三錢八分二月十四日發銀一萬兩  
三月初六日發銀一萬兩二十五日發銀一萬  
兩四月初十日發銀一萬兩五月初七日發銀  
一萬兩帶回餉司捐助銀六十三兩六月初二

日發銀一萬兩七月初七日發銀一萬五千兩  
共發過銀七萬五千六十三兩宣府鎮年例額  
銀二十九萬九千一百五十六兩七錢春夏二  
季該銀一十四萬九千五百七十八兩三錢五  
分二月十四日發銀二萬兩三月初十日發市  
賞銀四萬兩四月初十日發銀七萬兩內四萬  
充市賞三十日發市賞銀三萬兩五月初四日  
發銀一萬兩十三日扣留贓銀二千八百七十  
六兩五錢九分八釐六毫六絲六月二十九日

發銀二萬兩共發過一十九萬二千八百七十六  
六兩五錢九分八釐六毫六絲大同鎮年例額  
銀四十五萬六百三十八兩春夏二季該銀二  
十二萬五千三百一十九兩二月十四日發銀  
三萬兩三月初十日發市賞銀三萬兩四月初  
六日發銀七萬兩內四萬充市賞初十日發銀  
二萬兩三十日發市賞銀三萬二千一百一十兩  
零五月初四日發銀四萬兩六月初五日發銀  
二萬兩七月初二日發銀二萬兩又充留大同

新餉銀一萬三千三十一兩共發過二十七萬  
五千四十二兩山西鎮年例額銀一十四萬八  
百六十七兩九錢四分春夏二季該銀七萬八  
十三兩九錢七分二月十四日發銀二萬兩  
月初十日發市賞銀一萬兩又發銀一萬五千  
兩四月初十日發銀三萬兩內二萬充市賞三  
十日發市賞銀一萬兩五月二十二日發銀一  
萬五千兩六月十九日發銀一萬兩二十三日  
發銀一萬兩扣留裁省冗官冗役銀一萬三千

九百一十三兩五錢四分五釐共發過一萬三千九百一十三兩五錢四分五釐延綏鎮年例額銀四十一萬一千六百兩一錢四分三厘夏二季該銀二十萬五千八百兩七分三厘十月初十日發銀一萬五千兩二十日帶回餉司捐助銀七十兩四月初十日發銀五萬兩十六日發總兵吳自勉月餉銀四千四百一十九兩九錢三分五月初四日發銀四萬兩十五日發遊擊來胤昌銀二千二百四十八兩又扣留駐贖等



銀三千四百八十六兩五錢八分又帶回餉銀  
捐助銀四十兩又四川協濟銀四萬兩又兌銀  
陝西新餉銀三萬七千兩六月初九日發銀四  
萬兩共發過二十三萬二千二百六十四兩  
錢一分寧夏鎮年例額銀一十二萬八千二百  
六兩七錢九分春夏二季該銀六萬四千一百  
三兩三錢九分五釐二月十四日發銀一萬兩  
三月初六日發銀五百二十兩四月初十日發  
銀三萬兩五月二十二日發銀一萬五千兩

四川協濟銀一萬三千兩裁省京費銀  
銀四十七兩四錢扣留陝西新餉銀一萬五千  
兩又扣兌鹽課銀一萬三千兩共發過九萬六  
千六十七兩四錢甘肅鎮年例額銀一十八萬  
八百八十七兩七錢七分九釐春夏二季該銀  
九萬四百四十三兩八錢八分九釐五毫二絲  
十四日發銀一萬兩三月初六日發銀一萬兩  
四月初十日發銀四萬兩又四川協濟銀二萬  
兩共發過八萬兩固原鎮年例額銀一十四萬

五千八百二十三兩九錢二分六釐春夏二季  
該銀七萬二千九百一十一兩九錢六分三釐  
三月初十日發銀一萬兩三月十九日發楊  
趙宦月餉銀三千兩四月初十日發銀二萬  
千兩又四川協濟銀二萬七千九百三十五兩  
二錢扣留新餉銀一萬五千兩共發過八萬九  
百三十五兩二錢下馬關年例額銀四萬二千  
三百七十二兩九錢六分春夏二季該銀二萬  
一千一百八十六兩四錢八分三月初九日發

總兵王承恩月餉銀一千兩四月初十日  
一萬五千兩五月初十日發銀五千兩十六日  
發總兵王承恩月餉銀一千六百八十兩扣  
輸納助餉銀二千四百兩共發過銀二萬五  
八十兩通計九邊年例額餉除先經題減天  
二年新增鹽菜并各邊督撫具題節省外實  
年例餉銀二百八十五萬七千三百七十兩  
錢六分二釐一毫若以一歲十分爲率春夏  
季該銀一百四十二萬八千六百八十五兩

錢三分一釐五絲二忽五微今查各邊在  
密雲易鎮宣府大同延綏寧夏固原下馬關  
已解及秋季昌平甘肅俱止完及夏季永平  
經恢復尙未完及夏季其山西一鎮今已發  
冬季自本年二月起至七月止共湊發過年  
銀一百六十一萬八千五百八十三兩四錢  
分三釐六毫有其過之無不及焉祇有秦中  
川協濟銀兩尙未解到臣部近已題奉

明旨立限嚴催夫此輸之九邊而源源不歇者不

取之省直而汲汲分催者也臣與內外諸臣  
年累月取之省直輸之九邊不旬日立盡而臣  
之術窮矣又臣與內外諸臣一日九廻不無  
恐以悞封疆而催之又恐以傷萬姓而臣之  
轉苦矣卽會議所旁收汰冗所縷集不無稍  
額外然會議

奏報無日汰冗報解幾何猶難筭入額中先是  
例原有主餉客餉之異奉

旨先給主餉徐給客餉而臣部因各邊之呼籲業

合併而發不作差殊觀矣惟是臣部原有積欠  
之餉各邊亦有壓支之餉其來甚遠已非一  
之積臣部有京運而省直亦有民運其機相須  
原有並重之勢今各邊欲以積欠於數年者索  
之一旦又欲以壓支於累歲者補之一朝則非  
臣力所能辦也又民運之積逋不問而京運之  
舊欠是尋點鉄無策神運實難又非臣力所能  
辦也姑就目前九邊而論臣部業悉索以應惟  
是銀入餉司而撫按或未及周知咨雖知會而

日久或漸至遺忘臣不得不拈出此段公案  
邊鎮諸臣共質之且與海內諸臣共見之知臣  
部之竭蹶以供億九邊者原未敢有怠遑於其  
間也伏聖

皇上憐察臣部措處之艱見年正額所欠容臣部整  
心催償儘力填補務完今年歲額此外不必責  
償於積欠亦勿代置於民運則臣愚得以少直  
於罪戾矣旣經該司案呈前來理合具題臣等  
不勝悚息待



命之至

崇禎三年七月十六日具

題十九日奉

聖旨這發過春夏二季邊餉數目知道了民運積逋  
該撫按還設法督催不得專恃京運致誤邊計欽  
此

申明預徵款項昭示寰區疏

題爲民生凋瘵竭澤堪憐謹申預徵之款仰祈

聖明昭示寰區以甦予遺以資急用事邊餉司案呈  
到部該臣等看得今日之最宜接濟者無過軍  
儲取之誠不宜緩今日之最宜體恤者無過民  
艱取之更不宜橫案查天啓六年臣部原任尚  
書郭允厚恐遠餉斷續題奉

欽依於本年十月冬預徵次年遠餉三分以備關寧  
急需此外若京邊若

內供并一應存留等項俱照舊例開徵其不  
取分毫以擾民間遵行在卷止因客歲奴才  
茹供應日煩以致太倉告匱於懸罄臣部苦  
於無米乃以萬不獲已之心爲萬不獲已之  
爰

命京卿守催本年新舊二餉其新餉俱係見徵無容  
再議惟舊餉有壓徵者原非齊一之規亦照新  
餉預徵之例俾其先完五分益以錢糧應入太  
倉者爲數亦自無多量以五分改壓徵爲現徵

以濟一時之急此亦應變之微權耳後恐奉科  
者借此名色一槩並徵崇禎三年五月內該臣  
部具題爲催解幸有次第等事內稱壓徵地方  
今歲止追京邊五分之數若能通融那解者上  
也不則卽行預徵五分亦應如京邊之數而止  
不得借口一槩混徵明年大糧無論王糧驛遞  
河工倉糧廩俸工食等項免追卽應解邊糧及  
兵工二部錢糧亦不在預徵之內其預徵京海  
五分仍俱寬至秋成於八月內報完有新餉壓

徵者亦如之等因續奉

聖旨這奏元二年欠糧都要依限全完三年見徵的  
務完十分以春秋爲二限壓徵的預完五分如京  
邊之數亦以八月爲期依議飭行如有混徵推攤  
的叅來重處欽此隨該臣部備咨省直撫按并各  
藩司申飭去後又該臣部於本年六月內題覆  
南京廣東道監察御史袁燿然疏爲懷外亟宜  
安內等事奉

聖旨這崇禎三年新舊餉銀只就京邊一項春夏催

解五分除見徵外縱有壓徵的或那借或量徵數  
原不多又且展限至秋原非苛求悉索該部還申  
諭遵前旨行如有司藉口急賦一槩預徵病民著  
差去官員同各該撫按體訪叅奏該衙門知道欽  
此復該臣部遵奉

明旨備行省直撫按并各藩司遵照去後是臣部三  
令五申雖欲以民財供軍興而不欲以軍餉妨  
民隱一片苦心或亦足白於天下矣但保障與  
繭絲之吏其品不同也而撫字與催科之事其

勢難兼也且臣部所暫借壓徵爲現徵者止  
太倉錢糧而太倉之頭緒絲棼非精心錢穀者  
未易周知假令有司不察猾胥舞文而憒憒混  
徵則臣部之所入無多而民間之苦毒有不可  
勝言者矣臣爲此懼誠有食不下咽者今再簡  
閱賦冊如光祿如京糧如

內供本色如民運邊糧如輕資漕折如兵工二部  
錢糧與夫王糧驛遞河工倉糧廩俸工食等項  
皆宜止完當年之額而見徵壓徵各仍其舊者

也如農桑絲綿如花絨絹折如鹽鈔課鈔如米  
麥豆草折如公侯祿米折如南京改解濟邊銀  
其見徵者宜完當年之額而壓徵者止當量完  
五分者也夫此京邊壓徵者上之貴於通融那  
解其次止於照數量徵如山東河南太倉銀兩  
號稱最多每省約三四十萬然亦半屬見徵半  
屬壓徵則繇此而分之各州縣抑又少矣北直  
京邊銀原留以充召買之用其用當在冬末春  
初不必預徵此外則山西陝西雲南貴州俱無



京邊南直京邊已大減於山東河南之數者  
江江西湖廣福建廣東廣西四川等處則多者  
不過四五萬少者纔二三萬許則每州縣不過  
數百而已完矣况又有不盡壓徵者乎然則倡  
爲預徵之說以恐呵小民而恣爲橫歛者真假  
公濟私者也敢再拈出省直應徵太倉款項細  
數備列於左以示畫一至於生員優免近議輸  
解助邊其現徵者當自崇禎三年爲始其壓徵  
者當自崇禎二年爲始在青衿旣衆口難調而

在有司亦催徵無法其有併徵二年三年者大  
非臣部立法之意所當早爲申飭厘正者也仰  
祈

皇上電察

勅下臣部頒布域中令溥海內外仰見

聖明寬恤元元至意庶可爲輸賦者作指南耳三年  
之後軍興少息則京邊之預徵生員之優免仍  
行停止此外有敢混徵病民者事發叅劾從重  
科罪庶軍儲有賴而民力少甦矣旣經該司

呈前來相應題

請恭候

命下移文各該衙門遵奉施行

計開

山東省太倉銀共十二項

農桑絲綿折絹銀三萬七千八百四十九

兩七錢三分四厘

稅糧草折銀八萬九千六百六十六兩二

錢七分八毫八絲一忽四微九纖五渺

八塵

戶口鹽鈔帶閏共銀一萬四千四百三十  
六兩九錢一分六厘九毫八絲四忽六  
微

神樂觀麥米銀一千一百七十七兩六錢  
二分七厘一絲

供用庫豆草銀一千六百六十兩五錢五  
厘

酒醋麵局麥豆銀三千二百六十三兩四

錢五分一厘四毫七絲六忽四微五纖

司苑局豆草銀一千六十兩

勦鎮布花銀四萬七千一百五十六兩九

錢一厘七毫七絲二忽三微

密鎮米豆銀六萬一千五十五兩六錢三

分九厘五毫

昌鎮麥米銀五萬六千九百一十二兩一

錢八分八厘三毫六絲三忽

永鎮麥米銀一萬五千七百六十兩

易鎮麥米銀一十一萬一千五百五十兩  
八錢四分八厘九毫六絲九忽五微  
以上共銀四十四萬一千五百五十兩八  
分三厘九毫五絲六忽八微九纖五沙  
八塵

河南省太倉銀共一十六項

稅糧草折銀五萬七千一兩三錢五分三  
厘七毫九絲三忽

農桑絲綿折京庫綢銀六千二百七十四

兩四錢九分四厘八毫四絲三忽

稅絲折京庫絹銀九千九百一十一兩一

錢八分二毫七絲六忽

折色綿花絨銀四千五百五十兩

折色綿布銀七千五百兩

供用庫豆草銀一千一百二十八兩

酒醋麵局豆麥銀三千二百八十兩一錢

九厘六毫八絲八忽

司苑局豆草銀一千六百四十兩

鹽鈔帶閏銀三千五十九兩一錢五分一

厘二毫二絲五忽

黃蠟折銀一千三百七十二兩七錢六分

二厘五毫

協濟昌平州銀三百五十七兩五錢

薊州鎮銀四千九百一十四兩二錢六分

密雲鎮銀六萬三千八百五十兩

永平鎮銀一萬四千四百兩

昌平鎮銀五萬六千八百三十四兩四錢



易州鎮銀一十三萬七百七十六兩九錢

三分一厘四毫八絲

以上共銀三十六萬六千八百五十兩一

錢四分五厘

浙江省太倉銀共十項

黃白臘折銀一萬四千六百六十二兩二

錢一絲三忽

富戶銀一千四十四兩

派剩米折銀一萬八千六百四十七兩七

錢七分八厘八毫二忽

草折銀一萬八千兩

綿絹折銀七百四兩九錢

鹽鈔連閏銀一千一百九十一兩二錢九

分一厘六絲九忽

協濟昌平州銀三百五十七兩五錢

黃臘扣價銀四百八十八兩三錢一分

糯米折銀四百六十一兩三錢一分二厘

六毫八絲五忽

顏料餘銀四百九十七兩二錢一分三厘  
以上共銀五萬六千五十四兩五錢五厘  
江西省太倉銀共九項

折色黃蠟銀五百六十九兩

折色白蠟銀八千一百六兩八錢

舊例米銀三萬二千六百九十九兩九錢

一分二厘一毫零

課鈔銀一千五百一十五兩一錢九分八

厘二毫零

富戶銀九百六十九兩

協濟昌平州銀三百五十七兩五錢

折色農桑絹銀九百七十六兩二錢七分  
四厘三毫零

折色苧布銀四百四十五兩二錢

折色絲綿絹銀二千二百四十七兩二錢  
七分二厘八毫零

以上共銀四萬七千八百八十六兩一錢  
五分七厘四毫零

福建省太倉銀共三項

屯折銀二萬一千七百九十九兩八錢八

分七厘六毫

協濟昌平州銀三百五十七兩五錢

折色黃蠟銀三百二十九兩二錢

以上共銀二萬二千四百八十六兩五錢

八分七厘六毫

湖廣省太倉銀共七項

黃蠟折銀四百一十七兩八錢

白蠟折銀一萬一千六百九十七兩六錢  
湖課乾魚銀二千七百九十四兩一錢

分八厘

派糶米折銀二萬四千兩

富戶銀三百九十八兩

商稅帶閏銀一千四百八十八兩一錢二

厘三毫九絲五微

協濟昌平州銀三百五十七兩五錢

以上共銀四萬一千一百六十三兩二分

三毫九絲五微

廣東省太倉銀共三項

折色黃白蠟銀二千九百五十八兩八錢

協濟昌平州銀三百五十七兩五錢

鐵稅銀六千兩

以上共銀九千三百一十六兩三錢

南直應天府太倉銀共五項

米折銀一萬一千三兩四錢六分七厘八

毫一絲二忽八微八纖

麥折銀四百五十一兩

馬草折銀九千一百七十二兩二錢

南京光祿寺改解濟邊稻穀銀三十五兩

光祿寺改解米折銀二千五百九十兩

以上共銀二萬三千二百五十一兩六錢

六分七厘八毫一絲二忽八微八纖

安慶府太倉銀共八項

米折銀三十七兩六錢二分

馬草折銀三千九百兩



農桑絹折銀二百四十七兩七錢七分六

厘六毫七絲

鹽鈔帶閏共銀五百六十八兩七錢八分  
九厘七毫三絲七忽五微

富戶銀四十八兩

協濟昌平州銀一十八兩

商稅帶閏共銀二百九十四兩四錢九分

一厘三毫

折色黃蠟銀二百四兩四錢六分九厘七

毫五絲

以上共銀五千三百二十兩一錢四分七厘四毫五絲七忽五微

徽州府太倉銀共六項

米折銀五百四十五兩四分

麥折銀六百兩

鹽鈔帶閘共銀八百一十一兩六錢八分

四厘六毫六絲六忽八微

富戶銀三十九兩

協濟昌平則銀一十八兩

南京改解濟邊白蠟銀一百四十兩

以上共銀二千一百五十三兩七錢二分

四厘六毫六絲六忽八微

寧國府太倉銀共七項

派剩米折銀二千八百八十七兩五分四

厘三毫

草折銀一萬七千一百兩

光祿寺改解米折銀一千三百三十兩

鹽鈔帶閏共銀一千一百七十八兩五錢

八厘二毫一絲七忽九微四沙

富戶銀四十六兩

協濟昌平州銀一十八兩

折色黃蠟銀二百三十二兩八錢五分七

厘七毫五絲

以上共銀二萬二千七百九十二兩四錢

二分二毫六絲七忽九微四沙

池州府太倉銀共九項

汝剌米折銀三千四百六兩五錢一分

厘二毫

麥折銀八百三十四兩

草折銀一千八百六十兩

光祿寺改解米折銀二千一百兩

農桑絹折銀一百三十九兩三錢

稅絲絹折銀一十一兩二錢

協濟昌平州銀一十八兩

鹽鈔帶閏共銀二百四十二兩四錢九分

八厘三毫二絲六忽

商稅銀七十四兩六錢二分五厘一毫三絲五忽

以上共銀八千六百八十五兩一錢四分六毫六絲一忽

太平府太倉銀共十項

派剩米折銀四百九十五兩七錢七分四厘六毫四絲八忽六微

麥折銀五百五十兩

馬草折銀六千九百兩

絲綿絹折銀七十一兩六錢二分四厘九

毫八絲

協濟昌平州銀一十八兩

鹽鈔銀三百八兩六錢九分一厘

富戶銀七十八兩

魚課帶閏銀一百二十兩八錢三分六厘

四毫三絲八忽六微

門攤商稅帶閏銀二百九十五兩一錢二

分八厘三毫五絲一忽六微

黃蠟折銀二百三十二兩八錢五分八厘

七毫五絲

以上共銀九千七十兩九錢一分四厘一

毫六絲八忽八微

廣德州太倉銀共四項

派剩米折銀二百二十六兩六錢一分二

厘四毫九絲七忽一微六纖

草折銀六千九百八十兩四錢



鹽鈔帶閏銀一千七百三十八兩八錢

分九厘八毫

協濟昌平州銀六兩六錢六分六厘六毫

六絲六忽六微

以上共銀八千九百五十二兩五錢一分

七厘九毫六絲三忽七微六纖

蘇州府太倉銀共十一項

酒醋麴局糯米折銀二百二十七兩二錢

一分二厘八毫

府部院等衙門米折銀三千一百六十八

兩一錢六分一毫一絲二忽

公侯祿米麥折銀七千九十八兩一錢二

分八厘八毫二絲

宗人府派剩米折銀三萬一千六百二十六兩二

錢四分四厘八毫八絲九忽四微

寧德公主祿米麥折銀六百一十兩

遂平公主祿米麥折銀六百一十兩

南京改解場邊米折銀二十七兩

監鈔銀五千五百九十八兩七錢二分五

毫

折色布銀一萬五千兩

馬草折銀一萬五百兩

折色黃蠟銀五百二十五兩一錢六分二

厘五毫

以上共銀七萬四千九百九十兩六錢二

分九厘六毫三絲四微

松江府太倉銀共十三項

酒醋麵局米折扣抵軍興銀一百五十一

兩四錢七分四厘八毫

府部院等衙門米折銀三千五百六十三

兩九分三厘七毫二絲

公侯祿米麥折銀七千五百九十兩五錢

二分二厘二毫二絲二忽一纖

宗人府派剩米折銀一萬七千一百一十九兩六

錢二分七厘六毫九絲八忽六微五纖

榮昌公主銀三百五兩

壽寧公主銀三百五兩

寧德公主銀三百五兩

折色布銀一萬二千六百六十七兩八錢  
馬草折銀六千六百兩

鹽鈔銀七百七十四兩五分二厘四毫七  
絲二忽三微五纖五沙二塵

折色黃蠟銀二百八十四兩五錢四分三  
厘五毫

富戶銀四十五兩

魚課銀五百五十七兩四錢六分三厘五毫

以上共銀五萬二百六十八兩五錢七分六厘九毫一絲三忽一纖五沙二塵

常州府太倉銀共十一項

府部院等衙門米折銀一千四百九十八兩七錢七分八毫八絲

公侯祿米麥折銀五千八百五十六兩二錢二分六厘二毫五絲六忽

宗人府派剩米折銀一萬五千三百三十一兩

分五厘一毫六絲一忽六微

寧德公主米麥折銀六百一十兩

遂平公主米麥折銀六百一十兩

布折銀三千兩

馬草折銀一萬五千九百三十二兩四錢

鹽鈔銀一萬七千三百三十二兩六錢七分

厘

農桑絹折銀二百二十七兩三錢七分

厘

絲綿絹折銀一千一百一兩三錢五分

厘一毫

折色黃蠟銀三百六十四兩八錢一分

厘五毫

以上共銀四萬八千二百五十五兩七錢

五厘九毫九絲七忽六微

鎮江府太倉銀共八項

麥折銀三百九十五兩



絲綿絹折銀一百四十四兩一錢二分

厘三毫

農桑絹折銀九兩七錢四厘四毫

米折銀五兩四分

馬草折銀二千一百三十兩

鹽鈔銀三百五兩五分八厘

富戶銀三十兩

黃蠟折銀二百一十二兩二錢三分三厘

七毫五絲

以上共銀三千二百三十一兩一錢六分

二厘四毫五絲

廬州府太倉銀共七項

絹折銀四百八十一兩五錢一分三厘八

毫三絲三忽一微二纖三塵

麥折銀二百九兩

草折銀一千五百兩

黃蠟折銀二百四兩四錢六分九厘九毫

鹽鈔帶關共銀七百六十五兩四錢六分

二絲九忽五微三纖七沙五渺

富戶銀九十八兩

協濟昌平州銀九十八兩

以上共銀三千三百五十六兩四錢四分

三厘七毫六絲二忽六微四纖一沙五

渺

鳳陽府太倉銀共九項

麥折銀七百二十兩

農桑絹折銀七百二十四兩六錢三分四

厘四毫三絲九忽六微一纖一埃五渺  
稅絲絹折銀九兩六十六兩四錢一分二

厘一毫六絲五忽九微三纖  
草折銀三千五百四十兩

鹽鈔帶閏共銀一千九百三十兩七錢四  
分二厘八毫六絲一忽

商麴稅契銀九百六十八兩六錢七分二  
厘六毫九絲

又餘稅銀六兩

舊戶銀三十兩

黃蠟折銀三百一十六兩三錢三分五厘  
以上共銀九千一百一十二兩七錢九分  
五厘一毫五絲六忽五微四纖一埃五  
渺

淮安府太倉銀共六項

麥折銀五百六十九兩八錢六分一厘五  
毫二絲八忽四微

草折銀七千一百一十兩

絹折銀一千二十三兩一錢三分二厘六毫六絲四忽八微五沙

鹽鈔帶閏共銀二千五十九兩四錢一分

二厘八毫

米折銀三百一十五兩

黃蠟折銀二百一十九兩八錢

以上共銀一萬一千二百六十一兩三錢

四分八毫九絲七忽四微五沙

揚州府太倉銀共六項

農桑絹布銀五百八十四兩四錢二分六厘

厘六毫

草折銀六千三百兩

鹽鈔帶圍共銀一千五百一十四兩六分

六厘二毫九絲六微一纖

黃蠟折銀二百二十六兩三錢二分八厘

七毫五絲

富戶銀一百兩

句城塘租銀二百五十七兩二分六厘

毫二絲三忽一微二纖

以上共銀八千九百八十一兩八錢五分  
九厘七毫七絲二忽七微三纖

徐州太倉銀共四項

稅絲折銀二千一百一十八兩一錢四分  
四厘六毫七絲七忽九微

農桑絹折銀一千七百七十六兩六錢一  
分

鹽鈔帶閏銀一千六十四兩三錢三厘四



毫六絲

馬草折銀一千五百兩

以上共銀六千四百七十二兩四錢七厘  
六毫一絲九忽五微

滁州太倉銀共五項

農桑絹折銀一百五十二兩二分四厘五  
毫八絲

馬草折銀三百三十兩

鹽鈔帶閏銀一百八兩九錢六厘七毫三

絲五忽三微

米折銀九十六兩九分八厘八毫八絲七忽八微

帶派清河縣麥折銀二十二兩五錢一分六厘六毫一絲四忽二微

以上共銀七百九兩五錢四分六厘八毫一絲七忽三微

和州太倉銀五項

米折銀三十三兩

農桑絹折銀六十九兩九錢二分八厘

毫

馬草折銀三百三十兩

鹽鈔帶閏銀一百一十三兩五錢五分四

厘六毫

勲臣餘田銀一兩七分五厘四毫七絲

以上共銀五百四十七兩五錢五分八厘

九毫七絲

四川省太倉銀共四項

協濟昌平州銀三百五十七兩五錢

富戶銀六十四兩

蠟茶扣價銀五百五十五兩

顏料扣價銀二百八十兩五錢九分二厘  
以上共銀一千二百五十七兩九分二厘

崇禎三年七月二十七日具

題本月三十日奉

聖旨國課民艱相關並重壓徵預完五分止就京邊  
一項原屬權宜已有屢旨該部仍恐墨吏猾胥藉

口橫歛摘出各省直應徵太倉款項細  
一具見留心着卽移文該撫按嚴行申飭還審切  
體訪如有濶徵厲民的不時指名叅來重處欽此

覆宜大總督撫夷鎮臣隨任錢糧疏

題爲撫夷鎮臣隨任錢糧應移宜鎮支領事邊餉  
司案呈崇禎三年五月二十九日奉本部送  
科抄出宣大總督魏雲中題前事內稱撫夷經  
兵專司講誓撫賞雖與鎮守不同而實關夷情  
向背自應蓄養健丁以資彈壓今據總兵王世  
忠呈額有官丁四百八十八員名應支廩糧料  
草先任總兵王牧民向在薊遼撫夷卽在寧遠  
餉司庫編領今遼賞西移宜鎮王世忠應久

宜鎮市口兵丁盡應隨用錢糧難以運  
照原發寧遠額數撥發宜鎮餉司以便按月支  
給等因本年五月二十七日奉

聖旨戶部知道欽此欽遵抄出到部奉批此事當移  
文關門查議送司隨該本部備咨關門查議去  
後續奉本部送准督理軍務閣部孫承宗咨覆  
前事內稱據寧前道孫元化呈蒙本閣部憲  
准戶部咨查撫夷總兵王世忠名下官兵馬騾  
各若干廩餉草料其該若干改發就近支領寧

遠餉冊應否開除緣繇蒙此先蒙部劄前事遵  
該本道查得撫夷一營經制所定戶部所給者  
歲共廩銀一萬一千六百六十一兩六錢米三  
千五十四石草乾銀二千六百七十三兩豆四  
千七百五十二石以理度之此營原不必設卽  
設原不必多本道去年到任卽嘗議及且爲職  
方言之而無如規格之已久定情勢之難驟更  
何也二月終撫夷總兵在宣交代本道卽裁去  
在西官兵一百五十員名馬二十一匹而尚留



存營者協助戰守迨永灤大捷兵將凱歸五月  
中本道又裁去其全營矣然三百餘人裁何容  
易本道春月以來於各營解驗招補缺額者間  
有駁停蓋預爲調補之地而不敢明言繼乃乘  
平夷在營之解補夷丁也而撥以夷丁五十名  
乘中右城守之解補家丁也而撥以家丁一百  
名又令遊營主將通行挑選查缺填其精壯者  
而後汰其疲弱者仍許以役過月糧全營始散  
計未散營時三四月先裁者省銀一千三百

一十五兩省米一百七十四石省豆七十三石  
而散營後則歲省銀一萬二千四百八十一兩  
八錢省米二千七百四十二石省豆二千七十  
六石是遼鎮經制中節吝之一也今宣鎮欲設  
此兵則數之應增應減餉之應厚應薄又當聽  
酌議於宣鎮折衷於中樞非本道所得置喙也  
等因業經具呈報部訖今蒙本閣部牌仰前因  
擬合回報等因據此爲照撫夷一營該道未奉  
部劄及本閣部行查之先該鎮在宣交代之時

卽裁去在西官兵一百五十員名馬二十一匹  
尚有存管者協助戰守節經陸續汰裁填補外  
五月凱歸之後汰各營疲弱之卒仍許給以役  
過月糧補該管精壯之兵於是乎撫夷之營盡  
散矣計未散營時三四月先裁者省銀一千  
三百餘兩米一百七十餘石豆七十餘石而散  
營後則歲省銀一萬餘金米豆各二千餘石餉  
冊業已免造今旣議復該營其應增減多寡之  
數惟聽宣鎮與貴部權衡已耳又奉本部送據

寧前道兵備副使孫元化呈同前事奉批此係  
遼鎮經制內裁減者當行具題扣除免發夫以  
撫夷副將而歲糜幾二萬金則遼鎮之冒濫者  
多矣又奉本部送據寧遠餉司郎中王四聰呈  
稱撫夷營本年正月分實支糧餉官兵止四百  
八十七員名馬五十三匹月共支廩餉草乾銀  
九百七十三兩七錢月共支米二百三十三石  
三斗月共支豆六十三石六斗此該營本年正  
月分造支確數自後三月間撫夷王總兵解任

本職卽將隨往宣鎮官兵一百五十員名馬二十一匹業自三月分始已開除不准造支訖其存營三百餘人寧前道俱續撥補各營西援陣亡額數撫夷全營兵馬業於六月初一日爲始緊行絕支各等因送司復該本司覆查無異所有裁汰銀兩相應具題扣除案呈到部該臣等看得撫夷一營先緣揮未西徙總兵王牧民駐遼講折故該營設有官兵四百八十八員名馬一百八十一匹俱食遼餉因載遼經制中今據

已踰遼而入宜雲矣撫夷將官王牧民湯而王  
世忠亦不駐遼而駐張家口矣是則該營之設  
原屬贅龐按閣部咨稱據寧前道臣孫元化等  
見此營爲不必設隨調精壯於空伍散老弱以  
歸農除初定經制不論外卽就近日裁汰兵馬  
而計歲實省銀一萬二千四百八十一兩八錢  
省米二千七百四十二石省豆二千七十六石  
旣經閣部主持叅以道臣綜覈似當斷在必行  
者矣嗣後關外經制歲額卽當減除此數正

前疏所謂損關寧之有餘以補前鎮之不足也惟是撫夷營兵旣可不設于遼便可不設于宣蓋財用方當匱乏之秋而撫夷原無折衝之資如云講警之時不無藉以壯我聲勢則三鎮如雲之士卒更番迭役獨不足以揚

國威而且可以省糧餉乎卽令該將廩俸祿史不食家丁月糧之類或不宜缺計亦取之本鎮之例而可矣若欲移遼之管輸遼之餉以供本鎮則一爲新餉一爲舊餉原不可恣爲混淆而

議節省又復冒濫其何以昭示畫一恐非策  
得者也臣在餉言餉故不嫌越俎而據臆敷  
如此伏乞

皇上裁答施行臣等不勝悚息待

命之至

崇禎三年八月初一日具

題本月初七日奉

聖旨撫夷職在講讐何必擁兵立營該部具覆甚當  
卽依議行欽此



再議酌發雲鎮募造銀兩疏

題爲酌議雲鎮募造銀兩仰乞

聖裁事邊餉司案呈崇禎三年七月十一日奉本部  
送戶科抄出該本部具覆大同巡撫張宗衡題  
前事請於輕資漕折銀內那湊二萬兩再於該  
鎮本年客兵年例銀內扣解三萬兩徑發雲鎮  
與前銀一體聽該撫召募支用等因本年七月  
初七日奉

聖旨據奏雲鎮募造銀兩先發五萬兩知道了內輕資

潛折尚未通核且將別項那用該部事例  
來收解若干還查覈奏報欽此欽遵抄出到部  
司除輕齋潛折未經通核遵奉

明旨不敢那用外所有事例雜項近來收解數目  
該本司移付管理太倉銀庫主事易孔贊查覈  
去後續准該庫手本移會數目前來相應具  
案呈到部該臣等看得雲撫張宗衡之請銀  
造也吞胡氣壯補葺謀深案查本年五月內  
該臣部題覆該撫原疏奉有所請募造銀兩

着該部酌給之

青欽承

天語敢不戢勉以承隨擬于輕齎漕折銀內那湊二萬先給該撫爲募造資仍於該鎮本年客兵年例銀內再扣解三萬與前銀一體支用等因具疏題

請又奉有輕資漕折尚未通核且將別項那用之旨臣等仰窺

睿慮或以輕資係運價之需漕折開京庾之蓄動何

容易而議及別項

聖天子神明遠覽深念終始固非臣等偶見所能仰  
窺萬一也謹遵

明旨擬於太倉庫存貯事例銀兩內動發二萬兩抵  
前疏請發輕賚漕折二萬兩之數掄差本部浙  
江司員外郎邢泰吉星速解往臣再於近題該  
鎮客兵年例銀內扣解三萬兩亦併速發以資  
募造蓋募兵造器錢糧各有主者旣蒙

明旨臣部不敢再爲推諉而力實不瞻又不得不量

入爲出且往年額餉多逋今臣期於全完則客兵之餉亦似有可那用者矣至於近來收解事例雜項銀兩遵

旨移行太倉庫主事易孔贊查核據所開報自本年四月初一日起至七月三十日止收受事例銀除分與工部外臣部實收銀七萬六千六百八十八兩三錢又收吏部搜括及各衙門捐助班軍折半扣留民兵裁減冗役充餉節省綱私誥會外解助餉等雜項銀共三萬七千三百四十

九兩五錢五分八厘六絲八忽通計銀兩十萬  
之外近日多爲京糧料草及夏操犒賞與各衙  
門俸糧用費殆盡而所存者亦鮮矣今以二萬  
解邊已有竭澤之慮此係該庫近來收納事例  
雜項之數所當照數開呈以副

明命以聽

聖裁者也其解銀差官邢泰吉所有應用勘合容臣  
移咨兵部速爲給發并

勅該門放行以便遄征臣等不勝悚息待

命之至

崇禎三年八月初四日具

題本月初七日奉

聖旨雲鎮募造改發事例銀兩知道了據奏事例等  
項欸數儘多如何僅得十萬官俸等費向來豈無  
額設如何一槩動支殆盡今歲外解如織逐時逐  
件不一奏查直待歲晚事逼蠅頭細冊堆案呈請  
錢糧既難清楚支用畢竟不敷該部還嚴加料理  
勿待有詰方奏欽此

覆薊遼張總督西協隱憂疏

題爲禦虜不嫌多笑西協實切隱憂謹陳卑弱之  
形並策戰守之略仰乞

聖裁事邊餉司案呈崇禎三年七月初十日奉本部  
送戶科抄出薊遼總督張鳳翼題前事條議置

儲遠哨明烽等款



上則艱抵掌邊務而綱  
顧慮請多儲本折以備不虞更致意臺上餽糧  
專濟南兵緩急非督臣身歷危邊謀先桑土  
易有此披陳也臣司

國計敢不蚤夜持籌專精於將茶葉祖之謀除

色賴

皇上寵靈分遣京卿督催省直今或已解到部或  
解在途或續解終事簡點新舊兩庫所入雖不  
甚贏餘而目前亦聊可支撐惟本色糧儲如不  
預備于先時萬難取辦於倉卒臣爲此懼除以  
前運過薊米不笑外新經海運過薊米五萬石  
又津門候運薊米二萬九千八百三十一石又  
新請截漕運薊米十萬石已奉有

俞旨矢其轉運之塗或繇津門水運或繇河西陸運

其繇薊門轉運各邊又令陸運餉可姬文龍  
薊州餉司蔣範化協同料理仍恐轉運有限又  
令餉司設法召買兼委邊工餉司包鳳起推賞  
屈宜揚竭力爲之則臣部于本色一項卽微費  
臣言已自拮据靡遑矣所當責成各官共襄厥  
事者也至于臺上餉糧先該總理戚繼光募召  
南兵以時哨望每臺積糧十石以壯命脉今  
臣請裕軍備審時度勢每臺五石斷不可少  
當依擬亟行督撫司道及時照數預備以備

急之需者也既經具題前來相應覆

請恭候

命下移文各該衙門遵奉施行

崇禎三年八月初四日具

題本月初七日奉

聖旨薊餉急需本色這水陸兼運并設法召買着各  
經管官加意調度不得誤延臺糧預儲數目既已  
酌定容督撫如議行欽此

題覆宣撫催解二運積逋疏

題爲狡夷蠢動可虞兵馬錢糧單匱伏乞聖  
勅措處以保衝邊以固

陵京事邊餉司案呈崇禎三年七月二十一日奉本  
部送戶科抄出宣鎮巡撫楊述程題前事等因  
本年七月十九日奉

聖旨據奏宣鎮情形急宜嚴備撤回入衛兵馬催解  
二運積逋該部速與覆行欽此欽遵抄出到部送  
司案查先該本部覆兵部題咨宣大總督魏雲

中催餉緣繇奉

聖旨據奏三鎮餉銀春夏發已踰額運着陸續接濟  
仍咨該督撫嚴催民運立限勒完有拖欠遲玩的  
叅來重處各鎮一體飭行欽此今查宣撫楊述程

題

請逋賦相應具覆案呈到部該臣等看得宣大二鎮  
偏臨虜穴咫尺

陵京較之他鎮關係尤重矧今教目助逆挿虜挑  
而零星小寇又在在侵犯宣撫楊述程洞悉情

形憂先入

告欲以防京之計防

陵以宣鎮之兵歸宣誠爲完策奉有

明旨該部速與覆行但撤回宣兵樞部事也臣不敢

議惟是二運積逋則臣實有說焉夫京運前此

猶苦不足於今安得有餘但本年發過之歲額

目前措處之艱辛臣於恭報發過崇禎三年春

夏二季邊餉并覆兵部流賊益橫兩疏中業妮

妮詳言之臣茲不敢復贅凡本年京運所應發

者臣亦不敢急爲接濟以副

明旨若宣鎮民運取給於山東山西河南北直等處  
通共計七十八萬有奇今除天啓七年以前  
經蠲免崇禎三年見在催解姑不開列外謹以  
元二兩年拖欠之數言之據宣府糧儲員外郎  
萬國孚呈報山東布政司每年折解民運共銀  
銀二十七萬八千九百三十兩三錢九分八厘  
九毫七絲崇禎元年未完銀一萬四千二百  
十八兩五錢八分三厘八毫八絲七忽二微



順二年未完銀一十四萬六千八百六兩四錢  
五分六厘九毫三絲八忽一微一纖山西布政  
司每年折解民運銀共該九萬八千四百三十  
六兩崇禎元年未完銀八千八百二十三兩九  
錢五分七厘崇禎二年未完銀二萬二千四百  
一十三兩三錢九分一厘九毫河南布政司每  
年折解民運銀共該一十七萬二千四百八十  
六兩二錢八分六厘九毫崇禎元年未完六千  
一百七十一兩三錢七厘五毫崇禎二年未完

銀三萬七百四十兩廣平府每年折解民運銀  
共該三萬六千九百兩崇禎二年未完銀一萬  
一千三百四十兩保定府每年折解民運銀共  
該二萬五千九百五十六兩六錢崇禎元年未  
完銀二萬四千五百八十二兩八錢六分二厘  
八絲五忽三微三纖崇禎二年未完銀二萬四  
千三百二十七兩河間府每年折解民運銀共  
該二萬六千一兩六錢六分崇禎元年未完銀  
四千八百四十一兩一錢一分五厘七毫九絲

一忽四微七纖崇禎二年未完銀一千  
十五兩六錢九分順德府每年折解民運銀  
該二萬五千二百五十四兩八錢崇禎元年  
完銀二萬五千二百五十四兩八錢崇禎二年  
未完銀二萬五千二百五十四兩八錢順天府  
每年折解民運銀共該五千四十兩崇禎元年  
未完銀二百七兩六錢八分崇禎二年未完銀  
二千四百二兩一錢一分二厘河東運司每年  
額該鹽課銀二萬八千七百七十八兩五錢六

分崇禎二年未完銀二萬八千七百七十八兩  
五錢六分山東運司每年額該鹽課銀一萬八  
千七百六十兩三錢二分七厘六毫因係壓徵  
崇禎二年全未起解長蘆運司每年額該鹽課  
銀三萬二百三十九兩六錢七分二厘四毫亦  
係壓徵崇禎二年全未起解以上山東等處通  
共未完該鎮元二兩年民運并鹽課銀共四萬  
二萬五千三百五十八兩三錢一分七厘六毫  
一、以徵三織大同民運取給於河南山東

省通計共銀六十七萬一千九百五十五兩  
錢六分零除天啓七年以前已經蠲免崇禎  
年見在催解姑不開列外謹以元二兩年拖欠  
之數言之據大同糧儲主事劉彝鼎呈報山西  
布政司每年折解民運銀共該六十一萬四千  
三百五十五兩七錢六分四厘崇禎元年未完  
銀一十三萬六千五百一十四兩九錢五分崇  
禎二年未完銀四十三萬一千二百三十二兩  
八錢六分河南布政司每年折解民運銀共該

五萬七千六百兩崇禎二年未完銀五萬二千  
八十三兩六錢四分四厘三毫八絲以上二省  
共未完該鎮元二兩年民運銀共六十一萬九  
千八百三十一兩四錢五分四厘三毫八絲夫  
此民運錢糧亦卽京運之就近輸將者也可聽  
其恣意拖延而不完解到鎮乎京運按年照季  
實實無容推卸而民運顧可聽其逐年逋負  
乎任土作賦誰非維正之供軍興浩費誰無  
公之心而積逋竟至如許之多也非徵收

玩則別項之那移不卜而可知矣臣前  
額業已奉有民運積逋該撫按設法清查不  
專恃京運致悞邊計之

旨相應再行申飭山西北直山東河南各該撫按備  
查原題民運欠數除天啓七年以前已經

赦免止將見徵在官者照數起解毋容乾沒外其崇  
禎元年二年積欠民運限本年年終盡數解鎮  
并三年分見徵地方亦同前例追徵起解以充  
軍實以固吾圉如再遲延聽宣大督撫漢省通

撫按從重糾叅臣部從重題覆仍俟年終將各  
有司見徵帶徵民運錢糧有無完欠徑自具奏  
庶逋負無虞而飽騰奏效矣既經該撫具題前  
來相應覆

請恭候

命下臣部移文各該衙門遵奉施行

崇禎三年八月初五日具

題本月初八日奉

聖旨錢糧積弊民自樂輸官自乾沒不可詰問



實大二鎮元二兩年民運各欠至數十萬餘  
安得不缺該省直有司豈真催科俱廢乃敢任  
拖延便著各撫按查明這欠還是在民在官從實  
奏來卽嚴催兩年欠數并本年現徵的限年終盡  
數解鎮以充軍實如再玩悞著宣大督撫指名糾  
叅其七年以前已經赦免實長僥倖姑不追究還  
將已徵在官的數起解不許隱匿撫按官遇關錢  
糧須用心稽查依限奏報不得含糊塞責庇屬惠  
奸該部通行嚴飭欽此